



L. B

S

M. SEGIM. FRIDER. DRESIGIVS

SCHOL. THOM. CONR

Palaephatum, quem ab omnibus legendum censuit Ioh. Henr. Boeclerus, iudex hac in caussa sapientissimus, typis exscribendum iterum curavi: quem ne nulla praefatione prosequerer in lucem denuo prodeuntem, non more magis, quam ratione, sum adductus. Codicibus, quibus nostrae aetatis se iactant ingenia, manu exaratis carui, atque eo lubentius carui, quo plus negotii in eruenda Auctoris sententia vera faceffere iam videtur lectionum silua a Cornelio Tollo, Martino Brunero, et Thoma Gale, ex diuersis manu scriptis voluminibus collecta. Itaque satis habui, laudatissimorum virorum editiones publico datas, qua par est, accuratione inter se conferre: nec parum me eorundem diligentia profecisse, ipsa libelli lectio docebit. Neque enim solum in omnibus fere capitibus scripturam codicum ab illis exhibitam vulgatae adhuc lectioni praetuli, verum etiam ex eodem fonte coniecturas, suo quasque loco in annotatiunculis subiectis diligentissime indicatas, plerumque hausi. Atque id quidem non, credo, mirabuntur illi, qui cogitaerint, libellum hunc elegantissimum in manus tradi adolescentibus ad Graecam linguam et veterum fabularum scientiam informandis. Quibus prout optima ad imitandum, et ad percipiendum non difficillima, semper duxi proponenda, ita malui manu scriptorum librorum lectionem, si quando menti Auctoris esset accommodatior, ingenio nonnunquam adiutam recipere, quam vulgarem sistere multis spinis obfitam

fitam